

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 25. stav 1. alineja 17. Statuta Grada Tuzla („Službenik glasnik Grada Tuzla“, broj 6/21) i člana 170. Poslovnika Gradskog vijeća Tuzla („Službeni glasnik Grada Tuzla“, broj 9/17., 2/18, 8/19, 3/20, 7/20, 2/21, 3/21 i 6/21), Gradsko vijeće Tuzla, na sjednici održanoj dana 23. 11. 2021. godine, d o n o s i

## **O D L U K U** **o dopuni i izmjenama Poslovnika Gradskog vijeća Tuzla**

### **Član 1.**

U Poslovniku Gradskog vijeća Tuzla („Službeni glasnik Grada Tuzla“, broj 9/17, 2/18, 8/19 , 3/20, 7/20, 2/21, 3/21 i 6/21) (u daljem tekstu: Poslovnik), iza člana 3. dodaje se novi član 3.a., koji glasi:

#### *„Član 3a.*

*Odredbe ovog Poslovnika, čitaju se i primjenjuju na način, koji podrazumijeva ravnopravnost oba spola, bez diskriminacije“.*

### **Član 2.**

Član 14. Poslovnika, mijenja se i glasi:

#### *„Član 14.*

*Gradsko vijeće ima četiri zamjenika predsjedavajućeg.*

*Zamjenici predsjedavajućeg:*

- pomažu predsjedavajućem kod predsjedavanja sjednicama Gradskog vijeća i Kolegija Gradskog vijeća,*
- pomažu predsjedavajućem kod realizacije Programa rada Gradskog vijeća,*
- pomažu predsjedavajućem u obavljanju njegovih drugih dužnosti i*
- obavljaju i druge poslove utvrđene ovim Poslovníkom.*

*U slučaju odsutnosti ili spriječenosti predsjedavajućeg da obavlja svoju dužnost, tu dužnost obavlja zamjenik predsjedavajuće, kojeg pisanim putem ovlasti predsjedavajući.“*

### **Član 3.**

U članu 61. Poslovnika, iza stava 5. dodaje se novi stav 6, koji glasi:

*“Ako, zahtjev ili inicijativa za uvrštavanje tačke dnevnog reda, prijedlog za izmjenu ili dopunu dnevnog reda podnešen u skladu sa odredbama ovog člana bude odbijen, navedeni zahtjev , prijedlog ili inicijativa ne može se ponoviti, prije isteka roka od šest mjeseci od momenta podnošenja.*

### **Član 4.**

Član 100. Poslovnika mijenja se i glasi:

*„Član 100.*

*Deklaracijom, Gradsko vijeće ukazuje na stanje, probleme i potrebe u određenoj oblasti društvenog života, utvrđuje politiku koju treba sprovoditi u tim oblastima, kao i mjere za njeno sprovođenje.*

*Deklaracija naročito sadrži i smjernice za rad državnih organa i organizacija, a u vezi sa pitanjima na koje se ona odnosi."*

**Član 5.**

U cijelom tekstu Poslovnika riječi „zamjenik predsjedavajućeg“ u odgovarajućim padežima zamjenjuju se riječima „zamjenici predsjedavajućeg“.

**Član 6.**

Ovlašćuje se Komisija za statutarna pitanja i propise, da pripremi Prečišćeni tekst Poslovnika Gradskog vijeća Tuzla („Službeni glasnik Grada Tuzla“, broj: 9/17, 2/18, 8/19, 3/20, 7/20, 2/21, 3/21 i 6/21).

**Član 7.**

Ova Odluka stupa na snagu narednog dana od dana objavljivanja u „Službenom glasniku Grada Tuzle“.

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**Gradsko vijeće**  
Broj: 01/04-A-17351-2021  
Tuzla, 23. 11. 2021. godine

**PREDSJEDAVAJUĆA**

**Nataša Perić, prof.**

## OBRAZLOŽENJE

### Pravni osnov za donošenje Odluke

Pravni osnov za donošenje ove Odluke je član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), član 25. stav 1. alineja 17. Statuta Grada Tuzla („Službenik glasnik Grada Tuzla“, broj 6/21) i član 170. Poslovnika Gradskog vijeća Tuzla („Službeni glasnik Grada Tuzla“, broj 9/17., 2/18, 8/19, 3/20, 7/20, 2/21, 3/21 i 6/21).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je sljedeće:

Gradsko vijeće u okviru svojih nadležnosti:

- donosi svoj poslovnik o radu.

Identičnu odredbu sadrži i član 25. stav 1. alineja 17. Statuta Grada Tuzla.

Odredbom člana 170. Poslovnika Gradskog vijeća Tuzla, propisano je sljedeće;

„Izmjene i dopune ovog Poslovnika se vrše po postupku istom kao i za njegovo donošenje.“

### Razlozi za donošenje Odluke

Razlog za donošenje ove Odluke je potreba za usklađivanjem pojedinih odredbi Poslovnika Gradskog vijeća Tuzla sa odredbama Statuta Grada Tuzla, koji je Gradsko vijeće Tuzla usvojilo na 5. redovnoj sjednici održanoj dana 27.5.2021. godine.

S obzirom da je članom 31. stav 2. Statuta Grada Tuzla propisano da Gradsko vijeće Tuzla ima zamjenike predsjedavajućeg, „čiji se broj uređuje Poslovníkom Gradskog vijeća“, članom 1. ove Odluke utvrđuje se da Gradsko vijeće Tuzla ima četiri zamjenika predsjedavajućeg, preciziraju njihova prava i obaveze. Prilikom predlaganja broja zamjenika predsjedavajućeg, vodilo se računa da rukovodstvo odražava nacionalni sastav Gradskog vijeća Tuzla. (vidi: član 1. Odluke)

Imajući u vidu, da sjednice Gradskog vijeća Tuzla treba učiniti što efikasnijim, što nije moguće, između ostalog, što se jedan te isti zahtjev, prijedlog ili inicijativa, nakon što budu odbijeni, iznova predlažu za uvrštavanje na dnevni red, ovim članom se određuje vremenski period u kojem se navedeni zahtjev, prijedlog ili inicijativa ne mogu ponoviti. To naravno podrazumijeva, da se nakon isteka navedenog roka prijedlozi, zahtjevi ili inicijative mogu obnoviti. (Vidi: član 2.)

Također, Statutom Grada Tuzla je, u dijelu koji se odnosi na vrstu propisa i akata koje Gradsko vijeće donosi u izvršavanju svojih nadležnosti, predviđeno da Gradsko vijeće Tuzla može donositi i deklaracije, dok je trenutno važećom odredbama člana 100. Poslovnika umjesto deklaracije predviđena mogućnost donošenja rezolucije, te je u tom pogledu članom 2. Odluke izvršeno usaglašavanje člana 100. Poslovnika sa odredbama člana 130. Statuta Grada Tuzla. (Vidi: član 3. Odluke).

### **PREDLAGAČI I OBRADIVAČI KLUBOVI VIJEĆNIKA PARLAMENTARNE VEĆINE U GRADSKOM VIJEĆU TUZLA**

**Klub vijećnika SDP BiH**

**Klub vijećnika SBB BiH**

**Klub vijećnika Tuzlanske alternative**

**Klub samostalnih vijećnika**

**Klub samostalnih vijećnika**

**Klub vijećnika- Nezavisni vijećnik iz reda nacionalnih manjina**

